



03.10.2023

UKA 2023/23
Jens Napātôk', Naleraq

Nioqqutissanik eqqussuinermi akitsuutit pillugit Inatsisartut inatsisaata allanngortinneqarnera pillugu Inatsisartut inatsisaattut siunnersuut. (Akitsuummik atorunnaarsitsineq, naalagaaffiillu pisortaasa pisortatigoortumik tikeraarnerannut il.il. atatillugu qamutit motoorillit eqqunneqarneranni akitsuummik atorunnaarsitsineq)

(Aningaasaqarnermut Naligiissitaanermullu Naalakkersuisoq)

Siullermeerineq

Nioqqutissanik eqqussuinermi akitsuutit pillugit Inatsisartut inatsisaata allanngortinneqarnera pillugu Inatsisartut inatsisissaattut siunnersuut Naalakkersuisut sinnerlugit Aningaasaqarnermut Naligiissitaanermullu Naalakkersuisup saqqummiussaanut imatut Naleqqamiit oqaaseqateqassaagut.

Siunnersuummi pingaarnertut immikkoortut siunnersuutigineqartut tassaapput siullertut kaffinik, tiinik timmissanillu nioqqutissanik eqqussuinermi akitsuutip atorunnaarsinneqarnera ataavartunngortinneqassasoq.

Nioqqutissat taamaattunut akitsuutinik atorunnaarsitsineq aningaasanut inatsisissamut 2022-imi isumaqartigiinniarnermi qaqinneqarmat uagut Naleqqamiit tamakkiisumik tapersorsimavarput nalunnginnatigu nioqqutissat akitsoriartuinnartunut tamanna innuttaasunut isertitakitsunut atugasarititaasunut inuunerannut oqinnerulerusinnissaanik aqqutissat ilagigaat.

Ukiorpasuunngitsuni akitsuutit eqqussorneqarsimapput tamakkulu innuttaasut taamatut kaarsarfii-niit aalleqattaarsimanerit annertoorujussuarmik sunniuteqarlutik annertuumik inuttaasunut inuuniarnerannut sakkortuumik imaannaanngitsumillu sunniuteqapiluuteqarsimapput, taamaammallu taamatut innuttaasut kaarsarfii-nik aallertualersimaneq Naleqqammit qinigaaffiup siulianiilli sakkortoorujussuarmik qaqittaarsimavarput taamatut killeqanngiusattumik innuttaasut kaarsarfiaaniit aalleqattaqqittuarneq annertuallaarujussuarmik innuttaasut inuuniarnerannut innarliivallaarujussuarmat.

Taamaammallu kaffinik, tiinik timmissanillu nioqqutissanik eqqussuinermi akitsuutip atorunnaarsinneqarnera inatsisitigut ataavartunngorlugi atuutinnissaa uani qaqinneqartoq Naleqqamiit siunnerfigisimasanut naappertuuttut isigalutigu apeqqusinngilluinnarlugu tapersorsoratsigu oqaatigissavarput, taamatullu innuttaasunut artukkeeqisut akitsuutit ataavartumik annikillisarnissaanik siunnerfeqarsimaneq ingerlatseqqinneqassanersoq Naleqqamiit pissanngatigaarput, neriorsuu-taasimasut ilumut piviusunngortinneqassanersut imaluunnit Naalakkersuisooqatigiit allangoq-qinnerat



ilutigalugu tamanna qimaqqinneqareernersoq assut pissangatigaarput, neriutigeqaarpulli akitsuutini annikillisaaniarluni siunnerfeqarsimaneq Naalackersuisooqatigiilersut allangortinnagu ingerlatseqqissagaat.

Taamatullu siunnersuutigineqarpoq qamutit motorillit akitsuuserneqartussaataasut (biilit il.il.) qallunaat nunaanniit, nunaniluunniit allani oqartussat naalagaaffik sinnerlugu tikeraarnerannut il.il. atatillugu atornissaannut eqqunneqartut, eqqussuinermi akitsuuserneqartannginnissaannik siunnersuut.

Nuna allamiunut sooruna akitsuusersuisassanngitsumik aqqissuussiinnartugut? nunaqavissut sooruna kisimik akilersuisussatut isumalluutigineqartut? Taakku tikeraartussat akileruusunnatik nalunaarnikuugamiik? Nunatsinni mittarfissualiortitsinermi sulisut ilaannakkusumik akileraartitaaput nunaqavissullu tamakkiisumik akileraartitaallutik.

Inatsit tamanut atuunniarli tamarmik assigiimmik akitsuutini akiliisarniarlik tamanna aamma pilluteqaqataanerussaaq.

Inatsisartut Inatsisaat nr. 23 af 18. november 2019-imeersoq tikeraartussaagaluartunut innarliinikuugami? Kikkut tikinngitsoorneranik kinguneqarnikuugami § 2 immikkoortoq tallimaat pillugu taamatut apeqqusiivugut.

§ 3 arlaleriarlugu allanneqarsimasoq aqqinneqarnissaa pissusissamisoortutut isigaarput, kisiannili aningaasaatilissuit akissaqareersut nunatsinni attartoratik nammeneq tikiussillutik akitsuuserneqartannginnissaat uagut Naleqqamiit apeqquserujussuarparput.

Taamatut Naleqqamiit oqaaseqarluta Aningaasaqarnermut akileraartarnermullu ataatsimiititaliami siunnersuutit suliassanngortillugit ingerlatseqqippagut.